

La doturia Grete Mahlknecht tëgn l'orar d'ambulateur en jöbia, ai 19 d'aurí dales 15.00 ales 17.00 impede dales 09.00 ales 11.00.

PLOANIES DA SAN MARTIN Y LUNGIARÜ

En domènia, ai 22 d'aurí - De dles Vocaziuns - vègnel indò invié duc da tó pert ala Prozesciun da Badia sö Oies dales 14.00 domisdé. L'ann passé él ste dër na buna partezipaziun; porchël n bel dilan y prëitambel gnide indo a perié do Vocaziuns, ch'i n'un tan y tan debojëgn. *Le Degan*

Le Movimënt dles Ères da Balsan invieia les ères da jí en Jeunn en sabeda, ai 21 d'aurí, sot al tema "Y tres indò florësc la vita". Dales 14.00 él tla dlíja ploanala da Tluses na proa da ciaté. Da dailó pëion spo ia dales 14.30 sö Jeunn, olach'al vëgn tigní na funziun liturgica. Dala Val Badia ne vá degun bus, mo an pó se mète en contat cun les ères de Puster, telefonan a Margareth 348 81 07 183, o se mète adöm privatamënter.

Al vëgn ciamó n iade recordé che tl Radio Sacra Famiglia, olach'an alda ince le radio dla cöra, él da aldí vigni de dales 6.15 dadoman les Monies Passioniste da Loreto (cun suor Monica y suor Olga) che prëia les Laudes.

SAN MARTIN

En sabeda, ai 21 d'aurí vègnel, metü a jí n domisdé por romené sö le paisc da pert dl Comun, Stödafüch, Uniun dl Sport y Assoziaziun Turistica. Dötes les uniuns dl paisc: le Club Seniors, Consëi de Cöra, Cor de Dlíja, Grup Jogn, Paur, Jonëza da Paur, KWW, Musiga di Jogn, Musiga, Artejans, Iagri, Pëiapesc, Uniun Sport, Uniun Èi, Uniun Ères, Guant da Zacan, Patrones, Uniun dl Teater, AVS, Aiüt Alpin y duc chi che é interessá da daidé s'incunta dales 13.30 jö dal ciamp dl sport por partí sö i laurs. Ala fin dl de gnarál fat na griliada por i partezipanc. Düc é dër bel invia da daidé impara.

Tla ligna dles incuntades por le curs „Familiars fej le guern a ciasa“ él en lönesc, ai 16 d'aurí, y en dedemesaledema, ai 18 d'aurí, dales 20.00, dui esperc che baia, en lönesc dr. Gregorio Rungger sura „Le bot al ciorvel Sintoms, terapia y prevenziun“ y en dedemesaledema Anton Huber, sura „Tëmes y depresciun tla terza eté“. I referac é daverc a duc y vëgn tignis tl Raiun Sozio-sanitar a Picolin dales 20.00. Düc é bëgnnüs.

Le Consëi de Formaziun d'Al Plan y la biblioteca Angelo Trebo invieia duc i interessá a na incuntada cun Lucia Mischi da Lungiarü che cunta de súa esperiënza fata tl'America sciöche möta da mituns. I ves aspetun en dedolönesc, ai 17 d'aurí, dales 20.00, tla Biblioteca d'Al Plan.

Al vëgn tigní n curs da fá de vigni sort de trëces tl Salon Manuela en lönesc, ai 23 d'aurí, dales 15.00 inant. Por prenotaziuns prëibel telefoné a Manuela 0474 590 114 o 339 20 24 355. (Organisé dala Uniun dles Patrones dl Comun da San Martin de Tor).



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

15.04.18 – 22.04.18 nr. 20

termo da publiché: jöbia 20.00
radio: 90,40 / 93,70



3^a DOMÈNIA DE PASCA – B

Vangele do San Lüca 24,35-48

Dailò ti á Gejú dit: Ciodí sëise pa döt spordüs?

Ciodí dubitëise pa te osc cör?

Ciaredi a mies mans y a mi pîsc:

I sun iö instës. Piédeme ite, y odede:

Degun spirit n'á cern y ôsc,

sciöch'i odëis pro mè. Pro chëstes

parores ti àl mostrè sües mans y sü pîsc.

Ai se fajô demorvëia, mo dala ligrëza

n'ësi nia ciamò bugn da crëie.

Dailò àl dit: Èise val' da mangé chilò?

Ai ti à dè n toch de pësc apratè;

al l'à tut y l'à mangé dan sü edli.




Da odëi Gejú, sciöche al mangia pësc pro mësa, nes vëgnel imënt les paraboles de Gejú che cunta gonot dl règn dl cil cun ejëmpli olach'al vëgn tigní past y mangé deboriada.

N past da noza, le past tl cil, chisc é ma imajes y simboi, mo che vá dër sot. Chiló röia porsones adöm y s'incunta. Propi te chisc momënc, olach'an röia adöm, sozedel ressourceziun y vita eterna. Sciöch'al toma adöm tl amur danter döes porsones le momënt y l'eternité, olache post y tēmp n'é cunta nia plü, insciö podunse forsc s'imaginé ci ch'al sozed en Pasca:

Chiló n'él un, che é gnü imbruncé dal sēnn söla crusc y copé, mo che é resté tla fedelté de Dî y che vir. Al vir en uniun cun Chël Bel Dî y tles incuntades cun sü discepui. Al vir tl'incuntada cun vignun che ti vá adincuntra tla fede, tla speranza y tl'amur. Al vir ti momënc che iö viri, al vir te vigni momënt canche na porsona mör y confida tl amur deplü co te döt l'ater.

Insciö é plü daimpró dal cil chël che é bun da se destaché da döt y da se senté adöm pro n pësc apraté cun porsones che á debojëgn de conferta.

(M.L.SJ)

	SAN MARTIN	LUNGIARÜ	 Da lí les cunties de Pasca s'intenunse ch'i ne podun nia ma ascuté y ciaré pro. I messun instësc se mëte ite tla storia. Ara ne se trata nia ma di discepui da laota, ara se trata de nos instësc. I un bëgn la testimonianza di apostui y dles ëres incër Gejú. Impó gnunse trac ia y ca danter fede y dübe, tëma y ligrëza. La fede tl Signur ressorí, che vir y che acompagnëia nosta vita, á debojëgn de tēmp y de tröpes esperienzes por madurí te nos. La Sacra Scritöra dess ester la tle da descurí y da ti dé n significat a ci che nes sozed tla vita. Forsc podunse ince nos dí ala fin de n tru lunch: „Idí á ressuscitë Gejú dai morc. De chësc sunsi testimone, deache i l'á incunté.“ (Sonntagsblatt)
15.04.18 3ª DOMÈNIA DE PASCA B <i>Festa de S. Ciascian y S. Vigile</i>	9.00 <u>Prozesciun de San Germano</u> 9.30 Gran Mëssa dla comunité + Maria Tavella Vanzi + Lena Costabiei Moling <i>l'oferta vá al'Universitë Catolica</i>	7.55 Corona 8.15 Gran Mëssa por la comunité <i>l'oferta vá al'Universit Catolica</i>	
16.04.18 Lönesc <i>Bernardette Soubirous, Benedët</i>	20.00 Sentada dl Consëi dl'Unité Pastoral Val Badia		
17.04.18 Dedolönesc/Mertesc <i>Rudolf, Elia</i>	19.30 Mëssa + + de Lucia Clara Tavella + Sepl Flöss		
18.04.18 Dedemesaledema/Mercui <i>Eujeb, Anastasia, Sabina</i>		7.30 Mëssa (nia di scolars) + Pire Tavella, Cëch + Albina Clara	
19.04.18 Jöbia <i>Leo IX., Werner, Friedrich</i>	7.30 Mëssa di scolars dl ann + Rita Penazzi y defunc + Fonjo Unterweger Corona por vocaziuns		
20.04.18 Vëndres <i>Sara, Oda</i>	18.30 Adoraziun chîta 19.00 Funziun dl tēmp de Pasca	7.30 Mëssa dl ann + Cecilia Mischi vis y + + de Albina Mischi, Pecëi + Vito Clara	
21.04.18 Sabeda <i>Anselm, Conrad</i>	15.30 Mëssa tla Ciasa de Palsa 18.30 Mëssa prefestia fam. Sepl Frenes, Preroman dl ann + Paul Ferdigg	20.00 Mëssa prefestia dl ann + Davide Daporta dl ann + Sabina Dejaco + Cecilia Clara + Albino Daporta	
22.04.18 4ª DOMÈNIA DE PASCA B <i>Domènia dl Bun Famëi</i> <i>De Mondial dles Vocaziuns</i>	9.00 Corona 9.30 Gran Mëssa dla comunité 14.00 Prozesciun da Badia sö Oies por Vocaziuns	7.55 Corona 8.15 Gran Mëssa por la comunité 14.00 Prozesciun da Badia sö Oies por Vocaziuns	